



Vom Creutz

vnd Anfechtung/

Unterrichtung der Heiligen al-
ten Leerer/vnd Merterer/welche/nach
dem sie in stetem Creutz vñ verfolgung
gelebt/auch als der tröstlicher/ als
wolgeübte vnd versuchte
Christen/ davon haben
können leeren vnd
schreiben.

Allen den jenigen/so das joch

Christi neben allen aufferwelten
auch tragen vnd dulden/zu
trost vnd nutz zusam
gebracht/

durch

Andream Musculum D.

Francckfurt an der Oder/
ANNO M.D.LVIII.

Den Erbarh vnd tugentsamen
Frawen / Dorotheæ Herrn Caspar
Witterstads der Rechten Doctor vnd
Burgermeisters zu Franckfurt an der
Oder / Vnd Gertraut Michael Bolas
feras auch Burgermeister daselbst /
Hausfrawen / Beiden meinen
großgünstigen vnd
freuntlichen lieben
Gevattern /

Gnad vnd trost von Gott dem
Vater vnd vnserm Herrn
Jesu Christo.

Großgünstigen vnd
freuntlichen lieben Frawen
Burgemeisterinnen vnd
Gevattern / Nach dem euch
beiden als liebhaberin vnd fleißigen
zuhörerin Goetes Worts / selber genug
sam / aufferhalb meiner vnterrichtung
oder erinnerung / bewust / was es für ein
gelegenheit inn diesem gegenwertigen
leben hat / mit all den jenigen / so durch
A ij Das

Das Euangelium zum erkentnis Gottes
kommen/ vnd dem Reich des Herrn
Christi eingeleibet sein/ Wie sie nach
weterlichem vnd gnedigem willen
Gottes/ in irem ganzen leben/ kreutz
vnd vielfeltiger trübnis vnterworffen/
vnd nicht ehe zu ruhe vnd volkomli-
chem friede kommen/ bis sie aus diesem
jammerthal abgefördert/ in die Erden
bescharret werden. Desgleichen ist euch
auch selbst aus eigener erfahrung / vnd
aus den historien der Heiligen Gottes/
reichlich bekandt/ wie ganz schwach/
Kleinnütig / vnd ungedültig /
fleisch vnd bluth / auch inn den aller
grösten Heiligen/ gegen Creutz vnd
anfechtung sich stell vnd geberde/ Das
demnach nichts so hoch von nöthen als
len betrübt vnd angefochtenen her-
zen/ als reicher vnd vielfeltiger trost
vnd sterckung aus Gottes wort/ das
sie Gott im Creutz auswarten/ vnd der
versprochene vnd zugesagte hilff vnd
erretung/ können anhengig bleiben.

Vnd

Vnd wiewol jetziger zeit viel feiner
trostbüchlein aus der schrieffte gezogen/
genugsam im druck ausgegangen/ jedoch
dieweil angefochtene vnd betrübte
herzen/ von wegen schwachheit vnd
Kleinmütigkeit/ trost vnd sterckung
nicht wol zuviel haben können/ habe
ich erstlich für mich selber/ viel schöner
sprüch aus den alten Christlichen Lees
ern zusam getragen/ welche nach ge
legenheit irer zeit/ in sonderheit steter
verfolgung vnterworffen/ als die wol
uerluchten/ sonderlich nützlich vnd
tröstlich von unglück wissen zu reden
vnd schreiben/ Vnd nach dem ich bey
mir befunden/ das neben der Schrifte/
solche ire sprüch vnd Christliche tröst
ung/ mir offemals seer nützlich vnd
dienstlich gewesen/ habe ich diesem ers
achten nach/ als das sie auch bey andern
Christen das werden thuen vnd aus
richten/ was ich bey mir selber befunde
den/ solche zusam getragene sprüch
lassen in druck ausgehen: Welche ich
A iij euch

euch als meinen lieben freuntlichen /
vnd nebet ewren beiden Herrn / hoch
vnd woluerdienten Geuattern / zu
glückwünschung dieses Newen Jars
zugeschrieben / mit embsiger bitt vnd
herzlicher wünschung / das der getrewe
Gott / welcher das werck dess erkent
nis seines lieben Sons inn euch reich
lich angefangen / das selbige inn euch
auch erhalte vnd mehre / zu ewer seelen
seligkeit / in glückseligem vnd langem
leben euch sampt ewren lieben Herrn /
vnd allen den ewern / gnediglich er
halte vnd beware. Gegeben
am Newen Jars abent
im 1558. jar

L. W. G.

Andreas Musculus
Doctor.

I.
Warumb Gott die seinen dem
Creutz vnd vielfeltiger betrüb-
nis vnterwirfft.

II.
Wie Gott dem Teufel nicht
ferner vnd weiter erlaube vnd
nachgebe / seine auserwelten zu
versuchen vnd anzufechten / dan
als ferne es inen nützlich vnd sel-
iglich ist.

III.
Wie sich ein Christ zum Creutz
schicken vnd bereiten / im fried
vnd vnfried / glück vnd vnglück
sich vorhalten sol.

IIII.
Das sich die frommen mehr
für glück als vnglück fürchten /
Creutz vñ vnfall inen lieber / als
gute vñ sichere tag / sein sollen las-
sen.

A iij Aus

V.

Aus was vrsach es allen frommen in diesem leben vbel / vnd dagegen den bösen wolgehet.

VI.

Das gleich wie der wind die sprewen vnd nicht den Weizen hinwegk wehet / Das feuer den vnflat vnd nicht das Goldt verzeret: Also auch anfechtung vnd widerwertigkeit / nicht die frommen / sondern die Gottlosen allein vntertrücke vnd tilge.

VII.

Mit waser gedult / muth vn̄ sterck / ein jeder sein Creutz tragen / sintemal die jenigen / so das joch Christi mit vngedult von sich werffen / dem Reich Christi nicht zugehörich sein.

Warumb

VIII.

Warumb vnd aus waser vrsach Gott die Auferwelten/etwas lang im Creutz vnd versuchung auffhalte/ vnd sein zugesagte vnd nicht ausbleibende hilffe vorziehe.

IX.

Wie die gedult der Heiligen alles vnglück vberwinde/ vnd den Teufel/ welcher als ein hofertiger geist durch Kleinmütigkeit vnd zagen/ will angebetet sein/ vberwinde vnd zuschanden mache.

X.

Das trübnuß vnd Creutz allzeit dem Glauben vnd rechten erkentnuß Christi nachfolge/ vñ kein ander weg zum Himmel vnd ewiger herrligkeit sey/ als allein
A v durch

durch widderwertigkeit/ Vnd
darumb auch die auferwelten/
nicht ehe zu ehren gesetzt vnd ge
frönt werden / aufferhalb der
vorgehenden trübnis streit vnd
Kampff.

XI.

Das Gott nimmermehr den
seinen neher sey/ als im Creutz
vnd mitten in der noth.

XII.

Wie ein Christ im Creutz/
nach der vermanung des Herrn
Christi/der Schlangen vorsich
tigkeit sol nachfolgen.

XIII.

Welches vnter allen das
schwerste / vnleidlichste / vnd
auch das gefehrlichste Creutz
sey.

XIIII.

Das

Das ein betrübt vnd geplagt
hertz nicht weit auslauffen/inn
allen winckeln hin vnd wieder
hülff vnd rath zu suchen/sonder
je ehe je besser sich zu Gott wend
den/bey jm allein hülff vnd rath
suchen sol.

XV.

Warumb die frommen offte
mals mit den Gottlosen in glei
cher straff vnd vnglück begriff
fen vnd vberfallen werden. Mit
waser vnterscheid aber in glei
cher straff die frommen gegen
wertigen vnfal auffnemen/dula
den vnd tragen.

Etliche

Etliche sprüche aus der heiligen
schrifte/ welche von den alten Leccern
in nachfolgender vnterrichtung ange-
zogen werden/ Vnd an welche sich
halten sollen/ vnd fest darauff
suffen/alle betrübte vnd
angefochtene hertzen.

Tobi. 13.

Du züchtigest vnd tröstest
wieder/ Du kanst inn die Helle
stossen/ vnd wieder eraus fürē/
deiner Hand kan niemandt ent-
fliehen.

Tobi 3.

Gelobet sey dein Name Herr/
ein Got vnser Väter/ denn wenn
du zürnest/ erzeigestu gnad vnd
güte/ vnd in dem trübsal vergis-
bestu sünde/ denen die dich an-
ruffen.

Das

Tobi. 3.

Das weis ich aber fürwar/
wer Gott dienet/der wird nach
der anfechtung getröst/vnd aus
der trübsal erlöset/vnd nach der
züchtigung findet er gnad/ Den
du hast nicht lust an vnserm ver-
derben. Denn nach dem vngewitter
lest du die Sonnen wie-
der scheinen/vnd nach dem heu-
len vnd weinen/vberschüttestu
vns mit freuden.

Tobi. 12.

Vnd weil du Gott lieb wa-
rest/so musts so sein/on anfech-
tung mustestu nicht bleiben/auff
das du beweret würdest.

Ieremi. 31.

Du hast mich gezüchtigt/vnd
ich bin auch gezüchtigt/wie ein
geil

geil kalb. Bekere mich du so wer
de ich bekeret/ Denn du Herr/
bist mein Gott/ Da ich bekeret
ward/ thet ich buße.

Judith 8.

Vnd jr/ lieben brüder/ die jr
seid die Eltesten/ tröstet das
volck mit ewrem wort/ das sie
bedenckē/ das vnser Väter auch
vorsucht wurden/ das sie bewe
ret würden/ ob sie Gott von
herzen dieneten/ Erinnert sie/
wie vnser Väter Abraham man
cherley versucht ist/ vnd ist Got
tes freund worden/ nach dem er
durch mancherley anfechtung
bewert ist. Also sind auch Isaac/
Jacob/ Moses/ vnd alle die Got
lieb gewesen sind/ bestendig blie
ben/ vnd haben viel trübsal vber
winden müssen.

ESAI.

Esal. 26.

Herr wenn trübsal da ist / so
sucht man dich / wenn du sie züch-
tigest / so ruffen sie engstiglich.

Iob. 5.

Sihe / Selig ist der mensch /
den Gott straffet / darumb wes-
ger dich der züchtigung des All-
mechtigen nicht / Denn er ver-
lezt vnd verbindet / Er zus-
schmeisst / vnd seine hand heilet.
Aus sechs trübsaln wird er dich
erretten / vnd inn der sibenden
wird dich kein vbel rüren. etc.

Sapient. 3.

Aber der gerechten seelen sind
in Gottes hand / vnd kein qual
rüret sie an / für den vnuersten-
digen werden sie angesehen / als
stürben sie / vnd jr abschied wird
für

für ein pein gerechnet / vnd jr
hinfart für ein verderben / Aber
sie sind im friede. Ob sie wol für
den Menschen viel leidens ha-
ben / so sind sie doch gewisser
hoffnung / das sie nimmermehr
sterben / Sie werden ein wenig
gesteupt / aber viel guts wird in
wiederfaren / Denn Gott ver-
sucht sie / vnd findet sie / das sie
sein werd sind. Er prüfet sie /
wie Gold im ofen / vnd nimpt sie
an / wie ein völliges Opfer / etc.

Ecclesi. 2.

Mein kind / wiltu Gottes
diener sein / so schicke dich zur
anfechtung / halt fest vnd leide
dich / vnd wancke nicht / wenn
man dich dauon locket / halt dich
an Gott vnd weiche nicht / auff
das

das du immer stercker werdest/
Alles was dir wiederferet/ das
leide/ vnd sey gedültig inn aller
ley trübsal/ denn gleich wie das
Gold durchs feuer/ also werde
die so Gott gefallen/ durchs feu-
er der trübsal bewert. Vertrau
Got/ so wird er dir aus helffen/
Richte deine wege / vnd hoffe
auff in.

Ecclesi. 29.

Gleich wie der offen bewert
die newen töpffe/ also bewerdet
die trübsal des menschen sinn.

Psal. 33.

Mein Seele soll sich rümen
des Herrn/ das die elenden hö-
ren vnd sich freuen.

Preiset mit mir den Herrn/
vnd laßt vns miteinander seinen
Namen erhöhen.

B

Da

Da ich den Herrn suchte / ant-
wortet er mir / vñ errettet mich
aus aller meiner furchte.

Welche in ansehen vnd in
anlauffen / der angesicht wird
nicht zuschanden.

Da dieser elende rieff / höret
der Herr / vnd halff jm aus allen
seinen nöthen.

Der Engel des Herrn lagert
sich vmb die her / so in fürchten /
vnd hilfft inen aus.

Psalm. 34.

Wenn die gerechten schreien /
so höret der Herr / vnd errettet
sie aus aller irer noth.

Der Herr ist nahe bey denen
die zubrochens hertzen sind /
vnd hilfft denen die zurschlagen
gemüth haben.

Der

Der gerecht mus viel leiden/
aber der Herr hilfft im aus dem
allen.

Er bewaret im alle seine ge-
beine/das der nicht eins zubro-
chen wird.

Pfalm. 69.

Die elenden sehen vnd frewē
sich/ vnd die Gott suchen/ den
wird das hertz leben.

Denn der Herr höret die ar-
men/vnd verachtet seine gefan-
gene nicht.

Pfalm. 126.

Die mit threnen seen/ wer-
den mit frewden erndten.

Sie gehen hin vnd weinen/
vnd tragen edlen samen/ vnd
komen mit freuden/vnd bringen
ire garben.

B ij Mat.

Matth. 10.

Wer nicht sein Creutz auff
sich nimpt / vnd folget mir nach /
der ist mein nicht werd / Wer
sein leben findet der wirds ver-
lieren / vnd wer sein leben ver-
leuret vmb meinet willen / der
wirds finden.

Ioan. 16. 91

Warlich warlich ich sage euch /
jr werdet weinen vnd heulen /
aber die Welt wird sich freuen /
jr aber werdet traurig sein / doch
euer traurigkeit sol zur freude
werden.

Acto. 14.

Wir müssen durch viel trübs-
nus ins Reich Gottes gehen.

Rom. 5.

Wir rhümen vns auch der
trübsaln / dieweil wir wissen /
das

das trübsal gedult bringet/ ges
dult aber bringet erfahrung/ er
fahrung aber bringet hoffnung/
hoffnung aber lest nicht zuschan
den werden.

Rom. 8.

Ich halte es dar für/ das die
ser zeit leiden/ der herrligkeit nit
werd sey/ die an vns sol offenba
ret werden.

Rom. 8.

Ist Gott für vns/ wer mag
wider vns sein? welcher auch
seines eigen Sons nicht hat ver
schonet/ sondern hat in für vns
alle dahin gegeben/ wie solt er
vns mit im nicht alles schenckē?
Wer wil die auserwelten Gots
tes beschuldigen? Got ist hie der
da gerecht macht. Wer will ver
dammen? Christus ist hie/ der

B ij ges

gestorben ist / Ja viel mehr / der
auch aufferweckt ist / welcher ist
zur rechten Gottes / vnd vertritt
vns.

Wer wil vns scheiden von
der liebe Gottes: trübsal oder
angst: oder verfolgung: oder
hunger: oder blöße: oder gefers-
ligkeit: oder schwert: Denn ich
bin gewis / das weder tod noch
leben / weder Engel noch Für-
stenthumb / noch gewalt / weder
gegenwertiges noch zukünfftig-
ges / weder hohes noch tieffes /
noch kein ander Creatur / mag
vns scheiden von der liebe Got-
tes / die in Christo Jesu ist vns
ferm Herrn.

2. Corinth. 1.

Gelobet sey Gott der Vater
vns

vnfers Herrn Jesu Christi/ der
Vater der barmherzigkeit/ vnd
Gott alles trostes/ der vns trö-
stet in alle vnserm trübsal/ das
wir auch trösten können/ die da
sind in allerley trübsal/ mit dem
trost/ damit wir getröstet wer-
den von Gott. Denn gleich wie
wir des leidens Christi viel ha-
ben/ also werden wir auch reich-
lich getröstet durch Christum.

2. Corinth. 4.

Wir haben allenthalben trüb-
sal/ aber wir engsten vns nicht/
Vns ist bang/ aber wir verzagē
nicht/ Wir leiden verfolgung/
aber wir werden nicht verlas-
sen/ Wir werdē vntergedrückt/
aber wir kommen nicht vmb/
Vnd tragen vmb allezeit das
B iij sters

sterben des Herrn Jesu an vnserm
Leibe / auff das auch das
leben des Herrn Jesu an vnserm
leibe offenbar werde. etc.

Dem vnser trübsal die zeitlich
vnd leichte ist / schaffet eine
ewige vnd vber alle mas wichtige
herrligkeit / vns / die wir nit
sehen auff das sichtbare / sonder
auff das vsichtbare.

1. Corinth. 10.

Aber Gott ist getrew / der
euch nicht lest versuchen vber
ewer vermögen / sondern macht
das die versuchung so ein ende
gewinne / das jr s künd ertragen.

Heb. 12.

Lies das ganze Capitel.

Pet.

2. Pet. 2.

Der Herr weis die Gottseligen aus der versuchung zuerlösen / Die vngerechten aber behalten zum tage des Gerichtes zupeinigen.

Iacob 1.

Achtet es eitel freude / wenn jr in mancherley anfechtung fallet / vnd wisset / das ewer glaub / so er rechtschaffen ist / gedult wircket / die gedult aber soll fest bleiben bis ans ende.

Selig ist der man / der die anfechtung erduldet / Denn nach dem er beweret ist / wird er die Krone des lebens entpfahen / welche Gott verheissen hat denen / die in lieb haben.

B v Was

I.
Warumb Gott die auser-
welten den Teufel lest versu-
chen/plagen vnd anfechten/
Warzu Creutz vnd trübs-
sal nitz vnd gut
sey.

Orige. sup. Exod. Home. 3. cap. 6.

DJemand sey in der züchtigung
des Herrn des vnuerstands/das
er die ruten des Herrn halte für
ein schedlich ding vnd verderbnus/
vnd achte die züchtigung des Herrn für
ein verdamliche straffe. Pharao hat
ein hart verstocktes hertz/nach bessert
er sich etwas vnter der ruten/ vnd der
zuuor von Gott nichts wuste/do er von
Gott geplaget wird / begeret er das
man Gott für in bitten sol, Das ist das
beste vnd fürnehmste vnter der ruthen/
erkennen das du die ruthen vordienet
hast.

Ibidem.

Ibidem Home. 8. cap. 20.

Das wünsch ich von Gott/ das er
meine sünde in diesem leben woll heims
suchen/ vnd mir hie abrechnen/ auff das
auch Abraham zu mir sage/ wie zu dem
armen Lazaro vnd dem Reichen man/
gedencke Son/ das du dein gutes ent
pfangen hast in deinem leben/ vnd La
zarus dagegen hat böses empfangen/
Tu aber wird er getröstet / vnd du
wirfst gepeiniget. Darumb wenn vns
Gott strafft vnd heimsucht/ sollen wir
es mit grosser danckbarkeit annemen/
vnd es darfür halten/ das wir aus der
ursach hie gestrafft werden/ auff das
wir in jenem leben ruhe haben / Wie
denn auch der Apostel saget/ Wenn
wir gezüchtiget werden/ so werden wir
vom Herrn gestrafft/ auff das wir nit
mit der Welt verdampt werden.

Orige. ad Roma lib. 6.

Nichts leset vns Gott wiederfaren/
was es auch für schmerzen vnd traurig
keit sein mage/ denn allein aus ursach
vns

vns damit behülfflich vnd nützlich zu
sein/auff das vnser hertz vnd gemüth/
so aus anregung der sünde von Gott
abgewandt/ zu Gott wiederumb von
der sünd durch das Creutz vnd wiederwertigkeit/
gewendet werde.

Lactant. lib. 5. cap. 23. de iusti.

Das soll sich kein Christ verwundern/
wenn wir offte vnd viel von wegen vnser
sünde von Gott gestrafft werden/ Sondern
wenn es vns am aller vbelsten gehet/
sollen wir Gott als der herglicher dancken/
das er vnser straff nit auffzeuhet/
sondern züchtiget vns mit seiner ruten/
denn daraus erkennen wir / das Gott
achtung auff vns hat/ vnd sorge für vns
treget/ in dem das er vber vnser sünde zürnet.

Hila. in Psalm. 118.

Alles leiden ist heilsam vnd guth/
alle trübsal sein gut/ durch welche Gottes
Gericht erkandt wird/ das er demütiget
die so do sündigen / vnd der sünde

sünde wehret vnd stewart/ vnd die so
noch vnuerstendig sein/ klug vnd weis
mache.

Cypria. lib. 4. Epist. 6.

Unser Herr Gott wils von vns
haben/ das wir in anfechtung vnd wi-
derwertigkeit sollen guts muts vnd
frölich sein/ denn so vns trübsal vor stös-
set/ so wird vns vorreicht die Kron
des glaubens/ vnd werden probiret die
Kriegsknecht Gottes/ vnd der Himmel
wird den Merckern eröffnet/ Denn
nach dem wir vns vnter das Pannier
Christi versprochen haben/ sollen wir
vns nicht gros nach fried lassen verlan-
gen/ auch nit für streit vñ kampff fürch-
ten vnd entsetzen/ vnd sonderlich nach
dem vns unser Herr vnd Meister/ inn
solchem streit ist vorgangen/ als ein
exempel vñ fürbilde der gedult/ demut
vnd leidens/ der es selber zuvor an jm
beweiset/ was er vns geleret hat/ vnd
das er vns heist dulden vnd leiden/ das
hat er zuvor selber erliedten vnd aus-
gestanden.

Chri-

Chrysoſto. Gene. 18. Home. 40.

Unſer Herr Gott/ auff das er rechts
ſchaffen für vns ſorge/ vnd vnſer beſſe-
rung fürder/ leſt er vns nit immerdar
im Creutz vnd vnſal liegen/ auff das
wir nit durch ſchwachheit gar ſinken
vnd fallen/ ſondern hilfft vnd reiſt vns
heraus/ das er vns wieder mutig mache
vnd erquicke/ Also behelt er vns auch
nicht allzeit in geruhſamen vnd guten
tagen/ auff das wir nit frech/ rho vnd
ſicher werden/ vnd in ſünde fallen/ Dañ
die gelegenheit hat es mit vns/ wenns
vns gar wol gehet/ ſo vergeſſen wir
vnſer ſelber/ können vns nicht im zaum
halten/ Darumb gibt vns der getrewe
Gott bisweil gute tag/ glück vnd wol-
fart/ bisweil aber greiffet er vns mit
der ruthen an/ auff das er also auff man-
cherley weiſe/ vnſerer ſeelen heil vnd
wolfart ſuche.

Hierony. ad Aegrotum.

Wenn das gold nicht durchs feuer
gereiniget vnd verklärer wird/ ſo wird
es vnſletig/ vñ verleuret ſeinen glantz/
Also

Also auch ein Christ/wenn er nit durch
widderrwertigkeit wol gepantzerfegte
wird/ so weis er von nichts/ erkenne
sich selber nicht: Darumb auch Salo-
mon recht sagt/ wer nit versucht ist der
weis nicht wer er selber ist. Darumb
soll ein Christ so wol Gott im Creuz
loben/ als im glück vnd wolffart/ Wie
dann der Prophet thut/ do er saget/
Ich will den Herrn loben alle zeit/ sein
lob soll allezeit in meinem munde sein.

Gregorius super Ezechi.

Vnser Herr Gott vermischet gemein-
iglich glück vnd unglück zusam auff
das wir alles des/ was vns in dieser
Welt beheglich / vberdrüssig werden/
vnd ein solch hertz bekommen das stets
vnd immerzu nach dem zukünfftigen
leben eingentlich vorlangen habe.

Gregorius lib. 23. Mora.

Es geschicht aus sonderlichem rath
vnd schickung Gottes/ das die auser-
welten in diesem leben/ on vnterlos
geengstis

geengstiget werden/ denn dieses leben.
ist nicht mehr/ als ein rheyß vnd wan-
derung zum rechten Vaterlandt/ Vnd
darumb werden die frommen/ aus son-
derlichem vornemen Gottes/ geplagt/
das sie nicht auff dem wege bleiben/
vnd die Herberig lieber gewinnen als
jr rechtes Vaterlandt.

Augusti. Psal. 55.

Alle anfechtung ist nicht mehr als
ein versuchung vnd probierung / vnd
aller trübsal Ausgang vnd end/ hat sei-
ne nutzbarkeit / sintemal der Mensch
aufferhalbem des Creuzes/ auch sich sel-
ber nicht kennet/ vnd nit weiß was er
tragen kan oder nit/ vermisset sich des
wegen bißweilen gar zuviel zu tragen/
vnd bald wiederumb / wird er gar zu
zaghaftig vnd zu kleinmütig/ auch in
dem das er wol tragen kan. Darumb
ist die anfechtung nit mehr als ein pro-
bierung/ dodurch sich ein mensch selber
kennet erkennen.

Augusti. Psal. 73.

Unser

Unser Herr Gott pfleget bisweil zu thun wie ein Vater/wenn der erzürnet wird in der eil vom Son/ so rafft er an der erden auff was er findet/ auch wol ein beschissene ruthe/ vnd steupt damit das kind/ die vnpletige ruthe aber/wirfft er darnach ins feuer/ vnd behelt dem Son gleichwol in seinem hertzen die erbschafft seiner güther.

Also züchtiget vnser Herr Got auch bisweil die seinen durch böse leuth/ vnd erweist den zorn zeitlich an den auserwelten/ welchen er vber die gotlosen in ewigkeit wird gehen lassen.

Augusti. Psal. 60.

Unser leben/ dieweil wir auff dieser rtheys sind/ kan nicht sein ohne sünd/ vnd derhalben auch ohne Creutz/ denn vnser wolhart vnd besserung wiederfehret vns im Creutz/ vnd niemand erkennet sich selber/ denn allein inn der anfechtung/ Niemand wird auch gekrönet/ denn der zuvor ritterlich gefochten vnd vberwunden hat / niemand
C aber

aber kan Kempffen vnd überwinden/
wenn er nicht einen feind für augen/
oder mit Creutz beladen ist.

Augu. Sermo. ad Lipp.

Das ist ein gewisse anzeigung vnd
vermutung/ das du einer seyst aus der
gal der anserwelten/ wenn dich Gott
mit harten vnd vielen ruthen do heim
suchet/ sintemal ohne Creutz niemant
zu Gott kommen kan/ Denn alle die/
so das parades wieder wollen einnes
anen/ müssen zu dem selbigen dringen
durch wasser vnd feuer/ Es sey Petrus
welchem die schlüssel zum Himmel ver
traut sein/ oder Paulus das anserwelte
Was vnd Wergtzeug Gottes/ oder
gleich auch Johannes welchem die
heimlichteit des Himmels vertrauet
sein/ so müssen sie doch alle sagen/ wir
müssen durch viel anfechtung eingehen
ins Reich der Himmel.

Augu. Quæ. Testa. 99.

Die frommen werden darumb ges
blichiget/ auff das sie zunemen/ Vnd
darumb

Darumb sollen wir im Creutz freidig
vnd vnerschrocken sein / dieweil wir
wissen / das vns alle wiederwertigkeit
gereicht / nicht zu schaden / sonder zum
besten / wenn wir allein freidig auswar
sen durch Christum vnsern Herrn.

Ibidem Quæ. 118.

Wie gar sehr die anfechtung zutrega
lich sey den Kindern Gottes / vnd dem
Satan zu schaden gereiche / das lest sich
in der Historien Job sehen / Denn wenn
der Teuffel meinet er wöl die frommen
hindern an irer seelen seligkeit / so ist er
inen nur darzu behülfflich vnd fünders
lich / vnd wenn er einen angreiffet / so
macht er viel andere mutig zu glei
chem streit / welche so sie sehen / wie Got
den seinen aushilffe / werden sie auch
freidig in gleichem fall mit dem Sa
tan zu streiten / Vnd deswegen wenn
der Teuffel meinet er will viel erlaus
fen vnd gewinnen / so verlewert er die
heupt summa gar.

Augu. de vera innocen. ca. 23.

C ij Es

Es geschicht aus sonderlichem rhat
vnd Gericht Gottes/ das die frommen
durch die gottlosen geengstiget vnd
geplagt werden / auff das die auser
welten/ welche der Geist Gottes treis
bet / durch solche verfolgung als der
erfarner vnd geschickter werden.

Augusti. Psalm. 93.

Die Eltern pflegen bisweil mit
ihren Kindern also zu thun/ Wenn sie
ein kind haben/ doran nichts bewant/
vnd gar keine hoffnung ist der besse
rung/ so lassen sie es gehen vnd leben
wie es will/ Aber zu welchem sie gute
hoffnung vnd trost haben / dasselbige
halten sie in forcht vnd straff/ do sie inn
des das vngeraten kind lassen den holtz
weg gehen/ wie es selber wil. Aber
damit gibt der Vater genugsam zu
vorstehen/ das er auch dermal eins ein
solch vngerathen kind von der erbs
schafft ganz vnd gar ausschlicffen/
vnd dem Son dargegen / welchen er
in straff behelt/ die güther zu eigenen
wil.

wil. Also straffet Gott die seinen/ vnd
suchet vnter der ruthen ire besserung/
vnd erhelt sie zu der erbſchafft / denn
wen Gott strafft/ den wil er nit ver-
ſtoffen/sonder züchtiget in/auff das er
in beyder erbſchafft erhalte.

Wenn der frome vnd gütige Gott/
mit seiner ruthen ſtets innen hielt/vnd
nicht bißweil böſe tag vnter die guten
mit ein menget / ſo würden wir bald
ſein vergeſſen / wenn aber das Creutz
die frommen drücket/ ſo erheben ſie ir
herz zu Gott/vnd wachen im glauben
auff vom ſchlaff/ Denn da Chriſtus
ins Schifflein trat / war das Meer
ſtill/ aber da er darinne entſchlieſſe /
wurde es vngestüm / vnd kamen die
Jünger in gefahr / also auch / ſo lang
ein Chriſt wachet im glauben/ hat er
friede im hertze/ aber als bald der glaub
in vns ſchlumert/ gehen die vngestüm-
migkeit an.

Was wir leiden/ das ſollen wir als
ein erzeney halten/ vnd nicht als ein
C ij straff/

straff/ als ein Väterliche züchtigung/
vnd nicht als ein verdammnis/ vnd das
rumb/ wer nicht wil von der erb schaffe
abgesündert werden/ der leide die ruthe
vnd straff/ vnd stoss sie nicht von sich/
vnd sehe nit auff die rute/ sondern auff
das Testament der erb schaffe.

Augusti. Psalm. 88.

Unser Herr Got erzeigt vns nit allein
seine barmherzigkeit in dem / das er
vns zu seiner gnade beruffen hat/ sons
dern auch wenn er vns heimsucht vnd
straffet/ Darumb wenn Gott seine
hand vnd ruthe auff dich leget / soley
als ein from kind/ der ruten des Vaa
ters dich nit wegern/ Denn welchen
Son der Vater lieb hat/ den züchtiget
er. Darumb sollē wir vns Gottes ruthe
gefallen lassen / vnd vns doran genüs
gen lassen/ das er vns seine barmher
zigkeit nicht entzeuhet. Deswegen
sein wir zufrieden/ das vns Gott straffe
nach seinem gefallen / allein das vns
die erb schaffe vnverrückt bleibe.

Das

II.

Wie Gott dem Teufel nicht
ferner vnd weiter erlaube vnd
nachgebe / seine auserweltsen zu
versuchen vnd anzusechten / daß
als ferne es ihnen nützlich vnd se-
liglich ist.

Tertulianus.

Der Satan darff kein hand anlegen
an die auserweltsen Gottes / es sey denn
das es im Gott nach gebe vnd zulasse /
welches so es Gott thut / so geschicht es
aus zweyerley ursach / Erstlich / das er
den Teufel zuschanden mache / durch
den sieg des glaubens der frommen.
Zum andern / das offenbar werde / die
in ansechtung fallen vnd sincken / das
sie zuvor ins Teufels gewalt gehört
haben. Welches wir ein exempel im
lieben Job haben / welchem der Teufel
nichts hat thuen können / ohne Gottes
nachgegeben gewalt / das er auch seine
eufferliche gütcher nicht mit einem sin-
C iij ger

ger hette dörfen anrüren / wenn Gote
nicht zuvor gesagt hette / sich ich gebe
dir alle sein hab vnd guth in deine hend
de / aber in rüre nit an / Welches der
Satan auch nit hat thun dörfen / bis
Gott zu im saget / wolan ich gebe dir
in auch inn deine hend / allein am leben
soltu im nicht schaden.

Also hat der Satan auch verheng
nus begert / die Apostel anzugreifen
vnd zuuersuchen / welche er bey sich sel
ber nit hat / es sey dan aus nachgebung /
wie denn der Herr im Euangelio sagt
zu Petro / sich der Satan hat ewer bes
gert / das er euch möchte sichten wie
den Weizen / aber ich hab für dich ges
beten / das dein glaub nicht auffhöre /
das ist so viel gesagt / das dem Teufel
nit so viel gewalt gegeben werde / auff
das des Petri glaube vngestossen vnd
gefellet würde.

Origenes in Iob.

O du König aller König / wie gros
vñ herrlich ist deine krafft vnd gewalt /
wie gar grossen trost finden die bey dir /
so zu

so zu dir fliehen/ wie grosse stercke vnd
bestendigkeit erlangen die/ so auff dich
trawen vnd hoffen/ das auch der Teufel
mit macht oder gewalt hatt/ nicht
allein vber die Menschen/ sonder auch
nit vber die vnuornünfftigen thier/
oder auch andere Creatur so am leben
sein/ denn allein so ferne du es im nach
gibest/ Du gibest es im aber nit nach/
denn so ferne es gereichen sol zu probirung
des glaubens/ vnd eröffnung der
bestendigkeit/ vnd zu krönung deren
so ritterlich haben gestritten.

So wir nun solches wissen/ so fliehen
wir als der freidiger im vnserm Gebet
zu dir vnd bitten/ das du vns für des
Satans list wöllest behüten/ aus seinen
stricken vns reißen/ vnd vns nicht fer
ner lassen versuchen/ als mir können er
tragen vnd ausstehen.

Cypria. Sermo. 6. de ora. domi.

Das befihlet vns der Herr sonder
lich/ das wir im Vater vnser sollen beten/
das wir nicht in versuchung geführt
C v werden/

werden/ damit vns der Herr zuuersteh
en gibt/ das der böse Geist vns nicht
thun kan/ es sey dann/ das es im Gott
zuuor habe zugelassen vnd nachgeben/
das wir deswegen alle vnser forcht/
andacht/ hilff vnd errettung zu Gott
stellen sollen/ sintemal der böse gar kein
gewalt vber vns hatt/ dann so fern im
dieselbige Gott gibt vnd erleubt.

Augusti. Psalm. 3.

Dafür sollen wir vns fleißig hüten/
das wir nit inn diese gedanken fallen
vnd sagen/ der Teufel hat mich inn das
badt vnd vnglück gefüret / Sondern
dafür sollen wir es gewißlich halten/
das all vnser vnglück vnd straff von
Gott her komme/ Denn der Teufel kan
vns nicht thun/ wens im Gott nicht
zuuor zugibt/ welcher von oben herab
seinen gewalt vber/ einweder zu zorn
vnd straff/ als den Gottlosen/ oder zur
züchtigung/ als den frommen/ sintemal
Gott alle die züchtiget / welche er zu
Kindern annimbt/ Darumb gedenc
nur nit/

nur nit/ das du ohne Creutz vnd straff
sein werdest/ du wolst denn endterbet
werden.

Augusti. Psalm. 90.

Da Job im Creutz lag/ do sah er nit
auff den Teufel / sondern auff die ges
walt Gottes/ denn er wol wuste/ das
im der Teufel gar nichts thuen konde/
es were dann/ das er von dem erlaub
nus hette/ bey dem die höchste macht
vnd gewalt ist. Darumb gab er Gott
die ehr/ vnd betet den Teufel nicht an
im seiner gewalt/ deshalben/ do im
der Teufel alles weg nam/ do saget er/
Der Herr hat es gegeben/ der Herr hat
es wieder weg genommen/ denn er wol
wuste/ das im der Teuffel nichts nemen
konde/ wens der Herr nicht hette zuge
geben/ der Herr gab es aber zu/ das Job
probiret/ vnd der Teufel vberwunden
würde.

Augusti. Psalm. 103.

Betries

Betriege dich nicht selber in deinen
gedancken / Gott kennet dich / vnd ken-
net dich also / das er deine har auff dei-
nem kopff gezelet hat. Darumb was für
fürchtestu dich / wenn dich der Teuffel
gleich am leib angreiffte / was ist das
anderst als vnsers HerrGotts ruthe /
vnd nicht ein sonderliche gewalt des
Satans / welcher / ob er dir gleich an
deiner Seel will schaden zufügen / gi-
bets jm Gott doch nit nach / Auff das
jm Gott aber nichts nach gebe / so halt
dich an den Herrn Christum / vnd treis-
be durch in den Teufel von dir.

III.

Wie sich ein Christ zum Creutz
vnd anfechtung sol geschickt vnd
bereit machen / vnd wie sich die
Gottfürchtigen im fried vnd
vnfried / im glück vnd vnglück
sollen halten.

Orige.

Orige. Home. 26. in Lucam.

Ehe sich die vngestümmigkeit erhebt/ ehe das Creuz vnd vnglück angethet/ dieweil noch alles still ist/ sollen wir vns geschickt machen/ das fundament wol legen/ vnd ein starck geberd darauff setzen/ auff das/ wenn dermal eins die anfechtung angethet/ vnd ein vngestümmigkeit sich erhebt/ das wir als denn wol vnd fest/ auff den grund vnd eckstein den Herrn Christum gebawet haben.

Grego. Nazianze. orat.

In anfechtung vnd Creuz sollen wir allezeit vnser hertz zu Gott erheben/ vnd ein frisch hertz fassen. Vnd wens vns wol gehet/ sollen wir nicht sicher werden vnd aus Gottes forcht treten/ Wens vns vbel gehet/ sollen wir nicht zaghaftig werden/ Vnd sollen immer im glück auff das künfftig vnglück warten/ vnd wenn das vnglück angethet/ nit wieder Gott vnmutig werden/ Vnd sollen nit thun wie
wie

wie die bösen Knecht/ die den Herrn
streicheln vnd schmeicheln weil er im
guths erzeiget/ Wenn er sie aber strafs
fen will/ so lauffen sie ihm vnwillen von
im/ sonder sollē das wissen/ das vns biß
weil krankheit nützer vñ seliglicher ist/
dann gesuntheit/ die straff besser/ als
der selben erlassung/ vnd ernst besser
als lindigkeit. Vnd das ichs kurz vnd
mit einem wort sage/ sollen wir in vn-
glück nicht Kleinmütig/ vnd inn glück
nicht stolz sein.

Augusti. de uera innocen.

Im friede soll ein Christ nach dem
trachten/ das im nutz sey im vnfried/
welches sich im Creutz schwerlich lest
finden vnd ergreiffen/ Wer sich im
friede nicht zum streit schicke/ wirt dar
nach im streit wenig hilff finden.

Augusti Psalm. 34.

Es kan ein Christ im Creutz vnd
tribsal nichts bessers thuen noch aus-
richten/

richten / denn das er sich von allen
eufferlichen dingen abwende / vnd sich
im gebet zu Gott begeben / welcher in
geheim das seuffzen erhöret / vnd seine
hilff erweise. Der beste rhat ist / sich
im Gebet mit Gott im hertzen ver-
schliessen vnd bewaren / wieder alle
eufferliche anstossende anfechtung sich
für Gott demütigen mit erkentnis
seiner sünde / Vnd Gott lobe vnd preise
in glück vnd vnglück.

IIII.

Das ein fromer vnd Gottes
fürchtiger mensch / sich mehr soll
besorgen für glück als vnglück /
mehr vnd lieber im wünschen
vnd begeren Creutz vnd wie-
derwertigkeit / als guhte vnd
sichere tag.

Orige. Exod. Home. 8. cap. 20.

Das ist erschrecklich / vñ das aller ergst /
wenn

wenn wir von Gott gestrafft werden
von wegen vnser sünde / das wir vns
als denn nit bessern / Denn wenn wirs
zuviel machen / vnd die sünd oberhand
nimmet / so wendet sich Gott in seinem
eiffer von vns weg / wie er dann saget /
mein eiffer sol von dir weg genommen
werden / vnd ich will meinen zorn nit
mehr ober dir beweisen.

Orige. Psalm. 37. Home. 1.

O Herr / dieweil ich in diesem leben
bin / so straffe mich von wegen meiner
sünde / wie du denn ein jeglichs Kind
straffest / das du zu gnaden annimmest /
Darumb bitte ich dich / das du mich
auch wollest züchtigen / vnd nit vnges
traffe behalten zur ewigen straffe / mit
denen so hie zeitlich nit gestraffe / noch
wie ander Leut geplaget werden / wels
che von dir gar verlassen / vnd in keine
straffe zu irer besserung genummen wer
den.

Ibidem.

Das beger ich von hertzen / das ich
allenthalben

allenthalben mit allerley trübsal wol
heimgesucht werde/ damit mir Gott
die straffe nicht auffziehe zur ewigen
pein vnd verdammnis/ Darumb lieber
Herr/ so dir's gefelt/ so schicke mir vns
glück zu/ ich wil warten/ nim mir all
mein hab vnd guth/ ist es dir gefellig/
allein die seel erhalt in deiner genade.
Ich bin zu frieden/ mit allerley ruthen
dezüchtiget zuwerden/ allein das du
dort mein verschonest.

Hila. Psalm. iij.

Der Glaub stehet im fried vnd
müßigkeit in grosser gefahr/ vnd ein
Christ kan in sicherheit/ leichtlich mit
listigkeit begriffen werden/ Der sich
aber Creuz vnd unglücks wol versuche
hat/ der ist nicht leichtlich zubetriegem/
vnd wer die krönung wil entpfahen/
der mus zuvor auch Ritterlich Kemp-
fen vnd streiten.

Cypria. Tracta. i. contra Deme.

Dem thut das Creuz wehe/ der nie
D mehr

Mehr/als vom Welt fried vnd wollust
weis/der ist trawrich wens in vbel ges
het inn diesem leben/der in jenem le
ben nicht guts zuhoffen hat/der allein
ein zeitlich leben suchet/welches freude
hie ein ende nimbt/ der sich in diesem
kurzen vnd vorzenglichem leben / zu
zeitlicher kurzer freude begibt / vnd
nach dem thod nichts denn pein vnd
verdammis zuhoffen hat.

Aber dagegen / ist widderumb das
Creuz vnd widderwertigkeit leicht/
vnd nicht so hart / denen/welche allen
iren trost vnd hoffnung auff die ewige
güter gesetzt haben/die selbigen fallen
nicht im Creuz/ werden darinnen nit
mach noch zaghaffsig / werden auch
nicht ungedültig/ es gehe in vbel an
leib oder güthern / denn sie mehr im
Geist denn im fleisch leben.

Chryso. ad Philip. cap. 3. Sermo. 13.

Es sol ein rechter Christ nichts we
nigers als thue / vnd ein leben ohne
Creuz begeren/ dann es ist gar widder
vnsern

vnsern beruff vnd vnserer Christliche
Tempffung / sich an wollust dieses le-
bens hengen. Denn wie will sich das
schicken / dein Herr ist gecreuziget wor-
den / vnd du wilt fried vnd ruhe haben.
Dein Herr ist mit negeln an henden
vnd füssen durchstochen worden / vnd
du wilt im rosegarten frölich sein.

Chryso. Matth. 4. Home. 13.

Wen Gott lieb hat den züchtiget
er / vnd derhalben wenn wir inn guten
tagen leben / vnd den sünden nach ges-
hen / als denn sollen wir vns billich be-
kümmern / vnd in forcht stehen / das wir
nicht in sünden liegen / eben deshal-
ben / das wir kein widderwertigkeit
fülen / Aber wenn vns Gott immerzu
doheim sucht mit der ruchen / so mache
er auch sein straff als der linder / Aber
wenn Gott durch die finger sicht / vnd
die so sündigen nicht straffet / ist grosse
sorge / das er in ire straff zur ewigen
pein auffziehe / denn dieweil die aller
frömbsten nicht ohne Creutz sein / sollen

D ij viel

viel mehr geringere vnd schwächere
Christen des Creutz gewarten.

Ambro. de Isaac.

Ir viel suchen Christum im fried
vnd guten tagen/ vnd finden in nicht/
Vnd viel die in suchen in vnruhe vnd
verfolgung/ vnd finden in bald/ Denn
Christus ist den seinen nitimer neher
als in gefahr vnd vnglück.

Augusti. Psalm. 74.

Das ganze leben des Menschen/ ist
nicht mehr als anfechtung/ darumb sol
ein Christ sich nicht nach einem guten
leben sehnen/ vnd für dem widderwer-
tigen nit entsetzen/ Sonder sich für bei-
den hüten/ eines das in nicht verderbe/
das ander aber in nicht vntertrücke.

Es gehe aber einem Menschen wie
Gott wil/ vbel oder wol/ so soll er sein
zuflucht allein zu Gott haben / vnd
sonst kein freude suchen/ dann allein in
seinem Wort/ Dis leben wenn es mit
glück vnd wolhart begnadet ist / kan
gar leichtlich einen betriegen vnd sel-
len/ aber Gott betreuget niemadt.

Augu.

Augusti. Psalm. 91.

Wir sein vmb nichts anderst Christen/denn allein von wegen des zukünftigen lebens / Darumb sol niemandt auff zeitlich wolhart sonderlich hoffen/ oder im gros glück in dieser Welt setzen/dieweil er ein Christ ist/ sondern viel mehr zeitlich wolhart/ wenn es im so guth wurd/ gebrauchen wie er kan/ wenn er kan/ wie viel er kan/ gibet im Gott fried vnd gute tag so sey er danckbar/lobe Gott/ vnd las sich nicht vndanckbar erfinden / Gott schicket im zu was er wil / glück oder vnglück/ sintemal vns Gott allezeit lieb hat/ in glück vnd vnglück.

Augusti. de vera innocen.

In diesem leben/ sein vns zeitliche freud angenehm vnd lieblich/ aber das gegen das Creutz bitter vnd schwer/ Aber wer wil nit lieber hie den Kelch der trübsal trincken/ als dort das heilich sewer? wer wil nicht lieber der zeitlichen freude/ als der ewigen entperenz?

D iij Cyril.

Cyriuslib. 6. cap. 20. Ioannis.

Gleich wie die freundschaft dieser
Welt/ ist eine feindschaft gegen Gott/
Vnd wer wil ein freund sein dieser
Welt/ wird ein feind vnsers Herrgots/
Also auch wiederumb ist die feinds-
chaft dieser Welt/ eine freundschaft
gegen Gott/ vnd der ein feind ist dieser
Welt/ wird ein freund Gottes/ Denn
alles was die Welt als ein vnzeitige
frucht weg wirfft/ das nimbt Christus
an als seine liebsten Kindlein.

Bernh. Sermo. 42. Cantico.

Gott zürnet viel mehr vnd hefftig-
ger/ wenn er nit zürnet/ Darumb O
lieber Gott aller gnaden/ bin ich wol
zufrieden/ das du mit mir inn diesem
leben zürnest/ mit dem zorn/ dadurch du
wieder zurecht bringest/ was ist
irr gangen/ vnd nit mit dem/
dadurch du gar wege
wirffest/ etc.

Was

V.

Was die vrsach sey / daß in die-
sem leben allen fromen vbel ges-
het / vñ dargegen den bösen wol.

Chryso. Ioan. 5. Home. 27.

Wie kompt es / das nit alle leuth zu
gleich von wegen der erbsünd gestrafft
werden / denn wir sehen teglich / das
die aller ergesten vnd bösesten bublen /
frisch vnd gesund / vñ in grossem glück
vnd wolhart leben: Solcher leuth wol-
hart soll man sich nicht verwundern /
sondern vielmehr ein groß mitleidung
ires grossen vnglücks halben mit inen
haben / Denn das in nichts vbelis wie-
der sehret in diesem leben / ist ein gewis
anzeigung / das im als der grösser straff
der sünden / in jenem leben fürbehalten
wird. Das zeuget auch Paulus mit die-
sen Worten an / do er spricht / Wenn wir
vom Herrn gerichte werden / so werden
wir gezüchtiget / auff das wir nit mit
dieser Welt verdampt werden / denn
hic ist straff / dort aber ewig pein.

D iij Ambro.

Ambro. lib. i. offi. cap. 16.

Wie kompt es/ das die Gottlosen
in freud vnd wolust/ vnd nicht in angst
vnd noth/ wie die frommen leben? Das
ist die ursach/ dieweil sie nicht achten
die Kron der Herrligkeit/ dörffen sie
auch derselben halben nicht kempfen/
Wer sich nicht begibt auff den streit
plan/ der wird auch mit mit staub bes
schüttet. Die da sollen zu ehren gesetzt
werden/ müssen zuvor in vnehr vnd
aller widerwertigkeit leben/ Zarte hei
ligen das sein allein zuschawer ander
leut vnglück / sie aber streitten nicht/
leiden kein hitz der Sonnen/ staub oder
regen.

Ibidem.

Solche leuth/ die all jr thun auff
wollust/ unreinigkeit/ geitz/ vnd zeit
lich ehr gesetzt haben/ das sein allein
zuseher des spectackels/ wie es inn der
Welt zugehet/ vnd nicht Kempffer
oder streiter / Vnd darumb haben sie
auch nicht mehr davon/ als ein kleine
vnd kurze wollust/ gleich wie die zus
schawer/

schawer/ aber kein belonung des streits
vnd kampffs. Tzunder leben sie in wola
lust/ müßigkeit/ vnd vntugendt/ sam
len grosse schetz zusam/ aber es wirt ein
zeit kómen/ do sie von wegen irer böß
heit/ ein schwere vnd lange straff wer
den müssen leiden. Solcher leuth ruhe
ist in der hellen/ der frommen aber im
Himmel. Solcher haus ist im grab/ der
fromen aber im Paradeis.

Augusti. Sermo. de pacien.

Ein Christ soll nicht vnwillig da
rüber werden/ daß dem Gottlosen wol
gehet/ vnd den fromen vbel/ denn das
ist vnser Christlich Religion zugehö
rig/ das wir in zeitlicher wolhart vnter
drückt vnd nicht erhöhet werden/ Die
Gottlosen haben nichts im Himmel/
so sollen die fromen nichts mit den bö
sen haben auff erden/ widdersehret aber
vns etwas guths inn diesem leben/ so
mögen wir es mit danckbarkeit annes
men.

Cypria. Sermo 4. de morta.

D v Wue

Wo kein streit zuvor gehet / do kan
auch kein vberwindung folgen / wo
aber im streit ist vberwindung / do
wird auch dem vberwinder die Kron
gegeben. Also erkennet man ein erfars
nen Schiffman nit ehe / als im vnges
stümmitheit / Vnd einen Kriegsmann im
streit.

VI.

Das gleich wie der wind die
sprewen vnd nicht den Weizen
hinwegk wehet / Das ferner den
vnflat vnd nicht das Goldt ver
zeret: Also auch anfechtung vnd
widerwertigkeit / nicht die from
men / sondern die Gottlosen ala
lein vntertrücke vnd tilge.

Orige. in Lucam Home. 26.

Anfechtung thut eben das / das der
wind inn der scheunen thut / Welche
offenbar

offenbar macht die frommen vnd bösen/
so inn der Christlichen gemein/ vnter
einander vermengert sein/ Demnach
wenn du inn der anfechtung niderfals
lest/ vnd vberwunden wirst/ so machet
dich die anfechtung nit zur sprew/wel-
che der wind weg wehet/ Sondern do
du für dich selber sprew vnd leicht wa-
rest/ als nemlich vngleubig/ vnd kein
rechter Christ/ bringet die anfechtung
solchs an tag/ was zuuor bey dir ver-
borgen lag/ vnd erweist/ was du ge-
wesen seiest. Vnd wiederumb wenn
du die anfechtung stark vnd fest aus-
stehest/ so machet dich die anfechtung
nit zu einem Christen/ sondern erweist
allein an dir/ was für ein glaub/ gedult/
vnd tugent/ bey dir ist verborgen ge-
wesen/ Wie denn der Herr selber sagt
auff diese meinung; Ich hab dich ge-
plagt/ mit noth vnd hunger beladen/
auff das offenbar würde/ was inn dei-
nem hertzen ware.

Cypria. Sermo. 4. de Morta.

Ein

Ein baum der tieff eingewurzelt
ist/der lest sich keinen wind umbwerf-
fen/vnd ein Schiff das wol verwaret
ist/vnd fest zusam gemacht/das wird
wol von den wellen des Meeres hart
getrieben/aber es zubricht nit. Vnd
wenn der Bawer das Korn inn der
schem würffet/so nimbt der wind die
sprew weg/aber das Korn kan er nicht
erheben/das felt auff den tennen/vnd
bleibt liegen.

Chryso. de pacien. Home. 4.

Gleich wie das Goldt sein würde
vnd glantz behelt/ es liege im wasser
oder feuer/aber der Roth wenn er ins
wasser kompt so zugehet er/im feuer
wird er verzehret. Das hew das zustre-
wet sich im wasser/im feuer aber ver-
brennet es gar. Also gehet es auch zu
mit den fromen vnd bösen/ Der frome
wens im wol gehet/ so bleibt er in sei-
nem glantz/wie das Goldt im wasser/
geheth es im aber vbel/so wird er noch
fromer vnd glantzender/ gleich wie das
Goldt

Goldt im feuer. Aber der Gottlose
wens jm wol gehet/ so zuffleust er gar/
wie das hew im wasser/ vnd vorhartet
wie der Koch im feuer. Gehet es jm aber
vbel/ so gehet er gar vnter vnd wird
verzehret wie das hew im feuer.

Cyrellus. Ioan. 7. cap. 10.

Was Christus einmal zugenaden
angenomen hat/ das kan von seiner sei-
ten abreißen/ kein gewalt des Satans/
oder irgent eine anfechtung/ wie gros
auch die selbig immer sein mag.

Augusti. de ciuita. lib. 1. cap. 8.

Gleich wie inn einem feuer das
Goldt schon rot wird/ vnd das stro
darinne gar verbrenndt/ vnd vnter ein-
em flegel in der scheun/ wird die spreu
zucknirschet/ vnd das Korn gereiniget/
Vnter einer press gehet der Wein raus/
aber der trest wird zucknirst. Also auch
probiret vnd reiniget eine anfechtung
die fromen/ vnd verstößet/ zucknirschet
vnd verdammet die bösen. Daher
Kompe

Kompt auch/ das vnter einerley Creutz/
die bösen Gott lestern vnd schenden/
die fromen aber ruffen Gott an vnd
loben in. So gar grosser vnterscheid
ist/ nicht vnter der trübsal / sondern
vnter denen/ die sie vngleich tragen/
Gleich als wenn man ein köstlich salz
wen reget/ so reucht sie als der stercker/
reget man aber einen vnflat/ so stincket
er als der gewlicher.

VII.

Das die dem Reich Christi
nicht angehörig sein/ welche sich
des Creutz Christi zu tragen
wegern. Vnd mit was gedult
vnd sterck/ alle widder-
wertigkeit sollen ge-
tragen vnd vber-
wunden wer-
den.

Cypria.

Cypria. lib. 4. Epist. 6.

Das ist gar ein vnleidlich vnd be-
schwerlich ding/das der Knecht nicht
wil leiden/so doch der Herr zuvor gelid-
ten hat? Das wil sich gar vbel reumen/
Das wir von wegen vnser sünd nicht
wollen leiden/so doch der/welcher kein
sünd nie gehabt hat/ für vnser sünde
gelitten hat? Der Son Gottes hat
gelitten / auff das er vns zu Gottes
Kindern machet/ vnd mir Menschen
Kinder wollen nicht leiden / das wir
Kinder Gottes mügen bleiben? Ist
vns die Welt feind/ so sollen wir wisa-
sen/das sie vnserm Herrn noch feinder
gewest ist / Leiden wir schand vnd
schmach / werden wir veriagt/ vnd
gemartert / so hat der Schöpffer der
Welt/ vnd der Herr Himels vnd der
Erden/ gar viel mehr müssen leiden/
vnd austehen.

Chrysosto. 2. Corinth. 1.

Wil

Wir sollen im Creutz nit Kleinmütig
werden/sintemal niemand durch gute
tag vnd wollust dem Herrn Christo
eingeleibet wird/sondern durchs Creutz
vnd wiederwertigkeit/ Wer auff dem
engen weg gehet dem ist der Herr Chri
stus am nechsten/ denn er auch den sel
bigen weg gangen ist. Gedenc̄ doran
das der Herr von im selber saget/ das
er nit hat do er sein heupt hin lege/ vnd
darumb sey nit Kleinmütig wenn dirs
auch vbel gehet/ gedenc̄ mit wem
dirs vbel gehet/ als nemlich mit dem
Herrn Christo.

Ambro. Psalm. iis.

Nach dem es also beschlossen ist/
das alle die/ so Gotselig leben wollen
in Christo Jesu/ müssen verfolgung
leiden/ so folget auch gewis̄ daraus/
das der Christum nicht ernstlich me
ne/ noch ein rechten vorsatz habe/ der
das Creutz fleuhet vnd nicht leiden wil/
Denn das ist gewis̄/ das allezeit einem
rechten glauben verfolgung folge.

Augu.

Augusti. de pacien. cap. 7.

Dieweil wir teglich sehen/ was für
betrübnus vnd hertzeleid/ die leuth in
selber machen/ von wegen vnzüchtiger
begirde vnd anderer schande/ von we-
gen dieses leibs erhaltung / Werden
wir genugsam dadurch vermanet /
wie viel mehr vnd williger wir leiden
sollen/ von wegen dess ewigen lebens.

Origenes.

Je bestendiger vnd fester wir ins
Creutz stehen/ je schwacher der Satan
wird/ weñ wir aber beginnen schwach
zuwerden/ so lenet sich der Teufel als
der mutiger vnd stercker gegen vns
auff/ vnd wird war auch in vns/ das
von Moise geschrieben stehet / wenn
der selbige seine hend auffhub/ so wurd
Amelech vberwunden/ wenn im aber
die arm müd wurden vnd suncken/ so
stercket sich Amelech. etc.

Ambro. lib. 4. cap. 4. Luc.

Wer nit streit/ der kan nicht gekrö-
net

net werden/ vnd wer nicht kempffet/
Der kan nit überwinden/ vnd je grösser
der streit ist/ als der herrlicher ist auch
die Kron der Ehren. Der weg zum le-
ben ist schmal vnd eng/ der aber zum
ehod/weit vnd breit. Darumb sollen
wir vns vor keinem Creutz fürchten/
denn es ist ein vrsach der überwindung
vnd des Triumphs.

VIII.

Warumb/ vnd aus waser vrsach
bisweil Gott die Aufer-
welten/ etwas lang im Creutz
vnd versuchung auffhalte / vnd
sein hilff auffzeuher/ Das ein
Christ darumb von Gott nicht
soll abweichen/ zagen/ oder gar
im Creutz sincken/ ob Gott nit
allzeit mit der hilff kompt/wens
fleisch vnd bluth begert vnd
haben wil.

Chry.

Chryso. Gene. 20. Home. 45.

Wir sollen immer im Creutz gedul-
tig sein/ vnd nit treg werden/ sondern
inn guter hoffnung allzeit stehen/ dies
weil wir wissen/ das kein verhindernis
da sein kan/ wo Gott seine hilff vnd
gütigkeit erzeigen wil. Denn als bald
vns Gott nur zu helfen gedenckt/ mus
im alles weichen vnd gehorsam leisten/
was schwer ist/ mus leicht werden/ vnd
was unmöglich ist/ möglich/ Allein
das wir im glauben vnd hoffnung
fest an im halten/ vnd auff seine grosse
macht vnd gewalt sehen/ vnd nichts
menschlichs vns hindern lassen.

Chryso. de pacien. Home. 4.

Unser Herrgott kan alle stund vnd
zeit alles vnglück wenden vnd wegt
nemen/ Aber er nimbt das Creutz nicht
ehe von vns/ bis er siehet/ ob wir genug
gezüchtiget / vnd zu einer waren reu
vnd Busß vns wenden / Dann gleich

℞ ij wie

wie ein Goldschmit/ das Goldt nicht
ehe aus dem offen nimmet/ es sey denn
gar rein/ also nimmet Gott die trüb-
nus mit ehe wegk/ wir keren vns denn
zur besserung/ Vnd der vns das Creutz
auffsetzt hat/ der weis auch stund vñ
zeit/ wenn ers wieder wegk nemen soll.
Vnd gleich wie ein Harffenschleger die
seiten nicht zu hart anzeugt/ das sie nit
zuspringen/ oder zu seer nachlossen/ das
sie falsch lauten/ Also thut eben Gott
auch/ gibt vns nit zuviel nach/ das wir
nicht faul vnd treg werden/ vnd lest
vns auch nicht zulang im Creutz steckē/
damit wir nicht fallen/ vnd gar ver-
zweifeln/ Darumb sollen wir Gott
die zeit der hilff heimstellen/ inn seiner
forcht leben vnd im Creutz auswarten.

Augusti Psalm. 33.

Die gerechten haben zu Gott geschri-
en/ vnd der Herr hat sie erhöret / vnd
hat sie aus allen iren nöthen heraus ge-
ruffen / Aber ich hab auch den Herrn an-
geruffen / vnd hat mir gleichwol nit
geholfen/

geholfen. Darumb mus ich entweder
mit fromm sein/ oder nit gethan haben
was Gott von mir haben will/ oder
Gott achtet mein gar nicht. Lieber
fürcht dich nicht hang allein an Gott/
hilffte er dir nit am leib/ so wird er dich
doch an der seel raus reissen aus allen
deinen nöthen: Denn eben der Gott
reisse die drey Knaben aus dem feurich
ten offen/ aber die Machabeer lest er
darinnen stecken/ Jene singen im feuer/
diese aber sterben darinne/ Ist aber nit
eben der Gott der dreier Knaben/ auch
ein Gott der Machabeer? jene reist er
raus die aber nit/ ia er reist sie auff bei
den seiten raus/ die drei Knaben reist
er darumb lebendig vnd vnuerletzt
raus/ das die Abgöttischen Babilonier
zu schanden würden/ Diese aber lest er
im feuer sterben/ auff das ire verfolger
in grösser straff vnd verdammis fielen.

Bernhardus Sermo. 5. Psalm. Qui
habitat. &c.

℞ iij Das

Das solt ir wissen/das kein frommer
Christ auff Erden in diesem leben/one
anfechtung vnd Creutz sein kan/ Das
rumb/ nimpt Gott ein unglück von
dir/ so magstu wol künlich auff ein
newes warten/ vnd setze dir nur nicht
für/das du in volkornlichem friede vnd
ruhe leben werdest. Vnd hierinnen sol
len wir bedencfen die wunderbarliche
haushaltung Gottes gegen vns/ das
er vns bisweil in etlichem Creutz lang
behelt/auff das wir nit in ein grössers
vnd gefehrlichers fallen/ Vnd bisweil
reist er vns raus aus einem grossen
Creutz/ vnd wirfft vns doch bald wie
der in ein anders/das geringer ist/ vnd
leichter zu tragen.

Bernhar. de grad. humili.

Gleich wie ein Arzt nicht allein bey
dem francken salwen gebraucht/ son
dern brennet auch mit sewer/wo es von
nöthen/ Also gehet Gott auch mit vns
vmb im Creutz/ schicket vns trübsal zu/
hilfft vns wieder raus/ vnd macht vns
ser trawren zur freud.

Hila.

Hilarius.

Es fallen viel trübsal dem frommen
für/ aber sie gehen auch wieder wegt/ es
kommen verfolgung / aber sie bleiben
nicht/ Die Welt vnd der Teufel wolten
vns wol gern gar gefangen nemen/
aber vnser freiheit vnd bekenntnis/ die
wir im Herrn Christo haben / lest vber
jr nicht herschen/ Denn Gott lest nicht
zu lang auff den schultern der fromen/
die ruthe des Gottlosen/ er ist vmb die
seinen zuringst umbher / auff das sie
nit vnter der ruthe matt werden /
vnd ire hand zur sünd ausstrecken/ Da-
rumb do er vns ein ruth auffleget /
nimpt er sie auch wieder von vns/ vnd
lest vns nicht darunter verderben/ Es
ist alles ein augenblick was wir leiden/
vnd vnser vberwindung hat seine ge-
wisse belonung/ wiewol wir nit lang
dörffen Kempffen vnd streiten/ denn
der Herr ist bey vns/ hilffet vns
raus/ wo es von nöthen
vnd gefehrlich
ist.

¶ iij Das

IX.

Das die gedult der Heiligen
alles vnglück vberwinde / vnd
den Teufel / als ein hoffertigen
Geist / der durch Kleinmütigkeit
vnd zagen im Creutz will ange-
bett sein / zuschanden mache vnd
vberwinde.

Chryso. Gene. 8. Home. 25.

Ein solche gelegenheit hat es mit
den Christen / wenn sie etwas des Herrn
Christi halben müssen leiden / so sehen
sie nit auff das / das sie leiden / sondern
auff die ursach / vmb welcher wegen
sie leiden / vnd geben sich fein zu frieden
im Creutz / Also thut Paulus / do er seine
band vnd Ketten / tegliche plag vnd
todes gefahr / viel vnd grosse trübnus /
leicht vnd gering nennet / nit das sie
an sich selber gering waren / sondern
das er sie gering hilt / von wegen der
ursach / darumb er musste leiden.

Bern.

Bernh. Sermo. 66.

Der heilige Vincentius/ do er hart
gemartert wirdt/ lide er alle schmerzen
mit allein gedültig/ sondern spottet
auch noch der peiniger/ vnd sprach/
Wolan/ erzeige allen deinen grimms
gegen mir/ wie du kanst/ du solt sehen
vnd innen werden/ das ich aus Gottes
kraffe vnd sterckung/ stercker vnd mu-
tiger sein will zu leiden/ als du zu pei-
nigen.

Bernh. canti. Sermo. 61.

Wer sein hertz wendet auff die wun-
den Christi/ der fület seine wunden vnd
schmerzen nicht/ Also leidet ein heili-
ger mit freuden/ ob er gleich an seinem
ganzen leib sihet das blut herab flies-
sen.

Wie kompt es aber/ das die Heiligen
also jr hertzen vom schmerzen können
abwenden?

Daher kompt es/ das all jr gedan-
cken vnd sinn stehet auff dem fels Chri-
sto/ in den wunden Christi/ wenn es one
E v daß

Das were/ das die Heiligen bey sich selb
ber weren / so würden sie traum die
schmerzen fühlen/ aber dieweil sie auff
einen harten fels gebawet haben/ ist ir
hertz auch in dem so gar verhartet/ das
sie nichts fühlen/ vnd ist nit wunder/ das
der am leib kein schmerzen fühle/ der mit
der seele aus dem leib/ bey dem Herrn
Christo ist/ vnd ob sie gleich schmerzen
fühlen / so vberwinden sie dieselbigen
doch in der grossen lieb Christi/ etc.

X.

Das widderwertigkeit/ trüb-
nus vnd Creutz / allezeit dem
Glauben vnd rechten erkentnus
Christi nachfolge/ vñ kein ander
weg sey zum Himmel/ ewiger glo-
ri vnd herrligkeit/ dann allein
durchs creutz. Das auch nie kein
Heilig Gottes zu ehren gesetzt
vnd gekrönet worden sey/ ohne
vorgehenden streit vnd kampff.
Orige.

Orige. Exod. Home. 3.

Das ist gewis/ ehe das wort Gottes
inn ein hertz kompt/ ist kein anfechtung
noch erübnus darinne/ Denn wenn die
posaun nit zuvor geplasen wirt/ so ges
chicht auch kein streit. Als bald aber
die posaun des Wort Gottes/ in einem
hertzen erschallet/ do erhebt sich alsbald
der kampff/ erübnus vnd verfolgung.

Als bald Moises vnd Aaron anhe
ben zu reden zu dem Pharao/ wirt das
Volck Gottes geplaget. Also auch/
als bald das Worth inn deinem her
zen auff gehet/ erhebt sich streit vnd
kampff.

Orige. Nume. Home. 27.

Unser Herr Gott hat nitte verge
bens geboten den kindern von Israhel/
das sie das Osterlemlein vnd die sü
ßen brodt/ mit wilden Lactucken sol
len essen/ Denn es ist nicht möglich das
jemand kan ins Gelobte landt komen/
Denn durch viel bitterkeit vnd anstöß.
Vnd

Vnd wie die Erzte gemeiniglich bitter
er ding in ire ertzeney mit ein mengen/
dem Kranken zur gesuntheit dienstlich/
Also thut der Arzt vnser seelen auch/
vnd vermendet vnser leben mit viel
bitterkeit vnd trübnus/ denn er weis
das solchs gedeyet zu vnserm heil/ vnd
vnser seelen seligkeit.

Orige. Iosue. Home. II.

als bald sich ein Mensch mit Gots
tes wort voreiniget/ soll er das für ges
wis halten/ das er auch das/ was er zu
vor in freuntschafft gehabt hat/ nun
ferner zur feintschafft haben werde/
Denn es gehet nit anderst zu/ wer des
Herrn Christi freuntschafft begert/ der
macht im viel feintschafft/ wie geschri
ben stehet/ Alle die in Christo wollen
Gotseliglich leben/ müssen verfolgung
leiden.

Chryso. ad Antio. Home. I.

Gleich wie die schelck vnd reuber/
sich dahin finden/ nicht wo hew/ stro/
oder schilff ist/ sondern silber vnd golt.
Also

Also mache sich auch der Satan an die/
welche sich zu Gott begeben haben.

Hiero. ad Eustoch.

Sag mir/ welcher vnter allen Hei-
ligen Gottes ist zu ehren gesetzt wor-
den / ohne vorgehenden streit? Der
frumb Abel wird ermordt/ Abraham
verleuret sein weib/ vnd das ichs kurz
anzeig/ sich dich inn der Schrifft vmb/
so wirstu finden/ das alle Heiligen Got-
tes/ grosse widderwertigkeit gelitten
haben/ Allein Salomon lebet inn wol-
lust/ vnd ist auch vielleicht ein vrsach/
das er darüber fellet / Denn wen der
Herr lieb hat/ den züchtiget er / vnd
strafft einen jeglichen Son den er an-
nimbt. Ist es aber nit viel besser eine
Kleinezeit im streit liegen/ vnd darnach
sich ewig frewen / als eine stunde im
Creutz ungedültig sein / vnd darnach
ewiger verdammus vnterworffen sein.

Hierony. in Esa. cap. 10.

Inn

In der Kirchen leuchten die lampen
nit von wachs des süßen Honigs/
sondern von öl aus bitteren dingen.

Augusti. Psalm. 3. Expositi. 2.

Gott straffet ein jeglich Kind / das er
annimpt / Strafft er ein jegliches, wa-
rumb wiltu aus genommen sein? straffet
Er ein jegliches / so ist auch keines aus-
genommen / vnd wirt keines one ruthen
sein / Vnd das wirs wol verstehen / hat
Er nur einen Son / der doch keine sünde
hat / noch mus er nicht one straffe sein.

Augusti. Quæ. 92. Testa.

Wer den fried annimpt des Herrn
Christi / der sellet inn vnfried mit der
Welt / denn wer nit mit dem Teufel
vneins wirt / der kan nit
Christo nit im
friede sein.

Das

XI.

Das Gott den seinen nimer
mehr neher sey als im Creutz/
vnd mitten inn der noth / bey
vns / vmb vns / vnd mit vns sey/
als der vns hilfft streitten vnd
vberwinden.

Orige. Iosue. Home. 9.

Als denn ist vns Gott mit seiner
gnad am nechsten / wenn wir inn dee
grösten noth sein / vnd als denn haben
wir fried mit Gott / wenn wir mit den
menschen vmb Christi willen im vns
fried ligen.

Ibidem Home. 4.

Ein frommer Christ darff sich nit
fürchten / denn alle Creatur müssen im
inn der noth dienen / wie denn Gott
sagt durch den Propheten / Wenn du
gleich durchs sewer gehest / sol es dich
nicht brennen / denn ich bin dein Gott /
Darumb

Darumb müssen alle orth vnd stelle
den gerechten auffnehmen / vnd alle
Creatur müssen im dienstbarkeit erzei-
gen.

Augustinus.

In deinem streit / streit Gott mit
dir / Gott kempffet vnd ficht / vnd du
hast gleichwol den namen vnd die
ehr der vberwindung / Dein streit / ist
Gottes streit / Dein Kampff ist Chris-
ti Kampff / Warumb fürchtestu dich
dann? Warumb bistu so Kleinmütig /
als tresse es deine sterck vnd krafft an?
Ergreiff deine Wappen / lege dich mit
dem Teufel inn streit / vnd Kempff
Kitterlich / auff das dir Gott beysteh /
der nicht kan vberwunden werden.

Bernhard. Sermo. 2. Psalm.

Qui habitat.

Gott ist in der Schöpffung / in der
Erlösung / vnd in seinen andern wol-
thaten / aller Gott zu gleich / Aber inn
der anfachung / hat ein jeglicher Christ
Gott / als allein sein eigen / Denn also
nimmet

nimmest sich Gott der betrübten an/
die inn gefahr stehen/ das sichs lest an
sehen/ als sehe Got sonst auff niemant/
als auff die elenden. Darumb soll es
ein jeder Christ der im Creutz leit dafür
halten/ das Gott im Creutz sein eigen
sey/ nit allein als ein helffer / sondern
auch als der/ der fleißig auff vns sihet/
vnd alle vnserer geben in achtung hat.

XII.

Das ein Christ im Creutz/
nach dem befehl Christi / der
Schlangen vorsichtigkeit soll
nachfolgen.

Epipha. lib. 1. Home. 27.

Es ist kein andere sorgfältigkeit in
der Schlangen/ als diese beide/ Erst
lich/ wenn jr nach gestellet wirdt/ so
weis sie/ das jr leben im kopff ist/ Da
rumb wickelt sie iren kopff inn den
ganzen leib/ vorbirget den kopff/ vnd
lest sich auff den leib schlagen.

§ Also

Also wil auch der Son Gottes/ das
wir inn der zeit der verfolgung/ vnsern
leib/ hab vnd guth/ sollen darreichen/
dem ferner vnd schwert/ allein das wir
den kopff vorwaren/ das ist/ Christum
nit verleugnen.

Chrysosto Matth. 10. Home. 34.

Gleich wie eine Schlang sich gar
inn gefahr gibt/ vnd achtets nicht/ ob
ir der leib gar zuschlagen wirt/ wenn
sie allein iren kopff gang behelt.

Also soltu auch nicht gros achten/
wenn du gleich alles verleuerst/ vnd
nur an deinem glauben vnd bekenntnis
nit schaden leidest/ Darumb so laß fa-
ren gelt vnd guth/ dein leib vnd leben/
so es von nöthen ist/ allein behalt

deinen glauben vnuerletzt/

Vnd ob du

gleich

alles verleuerst/

solstu doch alles mit vber-

fluß wieder bekom-

men.

Welches

XIII.

Welches vnter allen das
schwereste / vnd auch das gefehr-
lichste Creutz sey.

Augusti. Psalm. 45.

Vnter allen anfechtungen / ist kein
grössere / als ein böß gewissen mit sün-
den beschweret / Denn wenn das gewis-
sen vnuerletzt ist / was einem für ein
trübsal für stößet / so hat er zu sich selber
sein zuflucht / vnd kan leichtlich mit
Gott sich vertragen / wenn aber das
gewissen vnriig ist / von wegen der
sünde / vnd kein Gott darinnen ist /
weß kan sich ein Mensch trösten? oder
warzu kan er seine zuflucht haben /
wenn jm ein vnglück vorstößet? er
fliehe wo hin er wolle / so folget jm
sein gewissen nach / das
jm peiniget.

S ij Das

XIII.

Das ein Christ im Creutz
nit weit aus lauffen / inn allen
winckeln hülff vnd rath zusu-
chen / sondern je ehe je besser sich
zu Gott wenden / von im hülff
vnd rath gewarten sol.

Stößet vns ein noth für / so last vns
ja von Gott nicht abweichen / vnd
sonst nirgend denn bey Gott hülff su-
chen / vnd sollen daran gedenccken / das
geschriben stehet / Ich bin iungk ge-
wesen / vnd alt worden / vnd hab nit
gesehen den gerechten verlassen / noch
seine Kinder nach brodt gehen. Denn
der Kan nimmermehr betrogen wer-
den / wer all sein trost vnd hoffnung
auff Gott setzet / Vnd do gleich vns
Teufels list / vns ein vnglück zugericht
wirt / so sehen wir doch aus allen exem-
peln der Heiligen Gottes / das Gott
nichts vber vns verhenget / denn al-
lein

sein zu vnserm besten/ vnd so wir das
Creutz mit beständigem gemüch tra-
gen/tröstet vns Gott hie zeitlich vnd
hilfft vns/ vnd setzet vns in jenem les-
ben / aus allen schanden zu grossen
ehren.

Augusti. de vera inno. ca. 98.

Wer bey Gott bleibt/ vnd nach sei-
nem willen thut. der wirt auch von im
nit verlassen/ Vnd ob im gleich ein
unglück vorstößet/ so wirt er nit darin
verlassen/ sondern allein probiret.

Augusti. Psalm. 90.

Wenn du etwas leidest/ vnd der
Teufel dich heimlich oder öffentlich
angreiffet/ so wart aus vnd sey starck/
vnd bleib vnter dem schirm des Höch-
sten/ denn als bald du von dem schutz
des höchsten abweichest/ weil du dich
selber nit schützen kanst/ so mustu fallen.

Augusti. Psalm. 96.

S ij Ein

Ein Christ soll sich inn anfechtung
nicht fürchten/das er an der Seel schaden
leide/ dieweil alle seine haar auff
sein kopff gezelet sein. Darumb sollen
wir Gott vertrauen/in lieben/ vnd
den Teufel hassen/ auch vns nicht für
seiner gewalt entsetzen/ denn der vns
zu seiner genad beruffen hat/ der ist der
sterckest vber alle starcken.

Vnd dieweil der Son Gottes für
vns gestorben ist/ so sollen wir auch vnser
seligkeit gewis vnd versichert sein/
die wir sein thodt zum pfand haben:
Denn sage mir/ für wen ist Christus ge-
storben/ für die gerechten oder unger-
echten? Frag Paulum darumb/ der do
spricht/ Christus ist gestorben für die
ungerechten/ Derhalben so Christus für
dich gestorben ist/ do du noch sein feind
warest vnd ungerecht/ wie kan er dich
denn nun verlassen/ do du bist gerecht
fertiget worden? Hat dich Gott selig
gemacht/ vnd aus einem Gottlosen
from/ wie kan er dich nuhn/ als einen
gerechten verlassen? Darumb soll sich
kein

Kein' Christ vor dem Teufel fürchten/
Gott bewaret die Seel seiner Knechte.

XV.

Warumb die aufferwelten
offtmals mit den Gottlosen in
gleicher straff begriffen / vnd
vberfallen werden / vnd mit
was vnterscheid solche gemeine
straff / die frommen vnd Gott-
losen auffnemen vnd tragen.

Augusti. lib. i. cap. 9. de ciuita.

Das halt ich für ein grosse vrsach/
darumb die frommen mit den Gottlosen
gestrafft werden / das Gott also wol
gefellig / die sünd vnd missethat der
frommen hie zeitlich zu straffen / Sie
werden aber mit den bösen gestrafft /
nit das sie zugleich mit inen böse sein /
sondern das sie dennoch auch ire sünd

§ iij vnd

vnd schwacheit haben/vnd auch etwas
mit den bösen sich bißweil an die Welt
hengen.

Augusti. ca 5. de vita Christia.

Es möcht aber jemand sagen/ Wie
kompt es/ das die frommen offte mit
den bösen vntergehen? Antwort. Die
frommen verderben nit mit den bösen/
sondern werden nur von den bösen ge-
rissen vnd kommen zur ruhe/ Aber die
Gottlosen die sterben gar an leib vnd
Seel/ vnd kommen aus dem zeitlichen
unglück/ in die ewige pein vnd straff/
Die frommen werden mit weg geris-
sen/ das sie als der ehe aus diesem jamer
vnd elend kommen. Aber die Gottlo-
sen darumb das jr bößheit ein ende neh-
me. Die frommen werden wegt geno-
men/aus dem jamer/ trübnuß vnd
angst/zur ewigen ruhe. Aber
die bösen aus wollust
vnd reichthumb/
zur ewigen
pein.

Gebet

Gebet aus den Psalmen
Dauids / Gott vmb hülf vnd
errettung im Creutz
anzuruffen.

Erhöre mich wenn ich ruf-
fe / Gott meiner gerechtigs-
keit / der du mich tröstest in
angst / Sey mir gnedig vnd er-
höre mein gebet / Mercke auff
meine rede / vernim mein schrei-
en / mein König vnd mein Gott.

Ah Herr straff mich nit in
deinem zorn / vnd züchtige mich
nit in deinem grim.

Meine Seel ist sehr erschro-
cken / Ah Gott wie lang: Wende
dich herr / vnd errette meine
Seele / hilff mir vmb deiner güt-
te willen.

f v Here

Herr wie lang wiltu mein so
gar vergessen: Wie lang verbir-
gestu dein Andlitz für mir: Wie
lang sol ich sorgen in meiner see-
len / vnd mich engsten in meinem
hertzen teglich:

Schaw doch vnd erhöre
mich Herr mein Gott / erleuchte
meine augen / das ich nit im thod
entschlasse.

Ich hoffe aber darauff / das
du so gnedig bist / Mein hertz
frewet sich das du so gern hilf-
fest.

O Herr behüte mich wie ei-
nen augapffel im auge / Beschir-
me mich vnter dem schatten deis-
ter flügel.

Bewar meine Seele vnd
errette mich / laß mich nicht zu
schanden

schanden werden / den ich trawe
auff dich.

Mein hertz helt dir für dein
wort / Ir solt mein Andlitz su-
chen / Darumb suche ich auch
Herr dein Andlitz.

Verbirge dein Andlitz nicht
für mir / vnd verstoffe nicht in
deinem zorn deinen Knecht.

Denn du bist meine hülff / laß
mich nit / Vnd thue nicht von
mir die hand ab / Gott mein
heil.

Laß mich nimmer mehr zu
schanden werden / errette mich
durch deine Gerechtigkeit.

Neige deine Ohren zu mir /
eilend hilff mir / Sey mir ein
starcker fels / vnd eine Burg /
das du mir helffest.

Ich

Ich frewe mich vnd bin frö-
lich vber deiner gütthe / das du
mein elend ansihest / vnd erkenn-
nest meine Seele in der noth.

Ich HERR hoffe auff dich /
vnd sprech / Du bist mein Gott.

Meine zeit stehet in deinen
henden.


Du bist mein Schirm / du
woltest mich für angst behüten /
das ich errettet / dich ganz frö-
lich rhümen könne.

Meine Seel müsse sich freu-
en des Herrn / vnd frölich sein
auff seine hilff / Alle meine ges-
beine müssen sagen / HERR /
wer ist deines gleichen / der du
den elenden errettest von dem /
der im zu starck ist.


Ich

Ich wil schweigen vnd mei-
nen mund nicht auff thun/ Du
wirsts wol machen.

Gedrückt zu Franckfurt
an der Oder/ durch
Johann Eichorn.
Anno/
M. D. LVIII.









9



[Faint, illegible handwritten text, likely bleed-through from the reverse side of the page.]



444 ¹⁴
K 10

(X 220) 15 19

sb.



MORSEROMORSVA



Inches 1 2 3 4 5 6 7 8 9 10 11 12 13 14 15 16 17 18 19 20
Centimetres

Farbkarte #13

B.I.G.

Blue Cyan Green Yellow Red Magenta White 3/Color Black

